

TARIKH	12 / 9 / 2012	SEKSYEN	Nasional
MUKA SURAT	U8	RUANGAN	News

Hasrat tiga beranak tercapai

Dapat menunaikan rukun Islam ke lima bersama ibu dan ayahnya

ALOR SETAR - Hasrat seorang pembantu am pejabat untuk menunaikan haji bersama ibu bapanya terlaksana setelah membuat empat kali rayuan.

Muhamad Naaim Ibi Hajar, 28, berkata, hasratnya untuk menunaikan haji bersama orang tuanya adalah untuk membantu bapanya, Ibi Hajar Saad, 73, menunaikan rukun Islam kelima dengan sempurna kerana bapanya mengalami masalah pada lutut.

Menurutnya, mereka mula mendaftar dengan Tabung Haji pada 2006 setelah bapanya meluahkan hasrat untuk mengerjakan haji bersama-sama dan mula membuat rayuan sejak 2008 agar mereka dapat menjadi tetamu ALLAH bersama-sama.

"Pada 2010 saya dan ibu, Aishah Ismail, 57, sahaja yang diterima dan kami terpaksa menolaknya kerana bapa saya tidak dapat tawaran itu.

"Pada awal tahun ini hanya bapa sahaja yang da-



MUHAMAD NAAIM



IBNI HAJAR

pat. Kemudian saya dan ibu membuat rayuan, syukur Alhamdulillah pada 3 Syawal yang lalu, kami menerima surat memaklumkan rayuan diterima," katanya ketika ditemui pada Majlis Bacaan Yasin dan Penyampaian Sumbangan Kepada Jemaah Haji Parlimen Alor Setar.

Majlis penyampaian kepada jemaah lelaki dibuat Pengerusi Badan Perhubungan Umno Kedah, Datuk Ahmad Bashah Md Hanipah, manakala jemaah wanita menerima sumbangan yang disampaikan Ketua

Wanita Umno Ketua Wanita UMNO Bahagian Alor Setar, Sharifah Maznah Syed Kassim.

Muhamad Naaim berkata, berdasarkan pengalamannya di sana sewaktu mengerjakan umrah Mac tahun lalu, diharap dapat membantu ibu bapanya mengerjakan haji dengan sempurna dan memperoleh haji mabrur.

Dia berkata, mereka kini sedang melakukan persiapan untuk berangkat ke sana walaupun masih menunggu tarikh penerbangan.

Bagi Ibi Hajar, dia ber-



Dari kanan: Sharifah Maznah, Ahmad Bashah bersembang dengan ibu bapa Muhamad Naaim.

harap dan berdoa agar mereka tiga beranak dapat menunaikan haji dengan sempurna dan memperoleh haji mabrur.

Sementara itu, Ahmad Bashah berkata, sumbangan yang disampaikan itu diadakan setiap tahun sebagai persembahan kepada jemaah ber-

angkat ke Tanah Suci.

Menurutnya, sumbangan berupa kain luram kepada jemaah lelaki dan kain telekung kepada jemaah wanita diharap dapat digunakan oleh jemaah sewaktu menunaikan haji nanti.

"Kita tahu jemaah haji sudah membuat persiapan se-

cukupnya, namun pemberian ini dilakukan sebagai tanda ingatan dan penghargaan kepada mereka.

"Saya juga menasihatkan kepada jemaah haji agar sentiasa menjaga kesihatan mereka dan mengikut arahan yang dikeluarkan oleh pihak Tabung Haji," katanya.